

Script of MMA

Aur kya scene hai mere MMA ke deewano! Aaj main tumhe ek aisi kahani sunane wala hoon jo tumhare dimaag ko hila degi. Yaad hai bachpan mein jab hum sochte the ki kaun jeetega - Bruce Lee ya Muhammad Ali? Ya fir Undertaker aur Kung Fu Panda mein kaun strong hai?

Comparison both ajib hai, haina?

Ab zara socho yahi chiz real life mai kaisi lagegi? Imagine karo tum Denver ke McNichols Sports Arena mein 7800 logo ke sath baithe ho. Excitement ka level roof touch kar raha hai. Pata hai Kyun? Kyunki aaj pehli baar, different fighting styles ek dusre se takraane wale hain.

Lekin pehle, zara UFC 1 ke rules samajh lein. Actually.....Koi rules the hi nahi! Na koi weight classes, na rounds, na time limit. Bas three ways to win: submission, knockout, ya corner se towel fenk dena. Groin shots, hair pulling, headbutts - sab kuch allowed tha. Referee ka kaam sirf yeh dekhna tha ki koi mar na jaye. Crazy, right?

Aur fighters? Bhai, alag-alag desh se aaye the, alag-alag martial arts lekar. Ek boxer, ek kickboxer, ek sumo pehelwan... matlab full variety pack! Sab soch rahe the, "Main sabse tagda hoon." Par sachai kya thi? Kisi ko nahi pata tha.

Is tournament mein aath fighters the, sab alag-alag desh se aaye the, alag-alag martial arts lekar. Ek boxer, ek kickboxer, ek sumo pehelwan... matlab full variety pack! Sabko lagta tha ki unka style best hai. Lekin kisiko nahi pata tha ki cage mein kya hoga.

Ab aate hain main event par - tournament ka first match. Ek taraf tha ek 6 foot 5 inch ka Dutchman, Gerard Gordeau. Savate fighter, matlab French kickboxing ka champion. Dusri taraf? Bhai, ek Sumo pehelwan - Teila Tuli. Aisa lagta tha jaise kisi ne refrigerator ko pants pehna di ho!

Referee ne bola "Fight!" aur kya hua pata hai? Tuli bhai ne socha ki apne 420 pound ke weight se Gordeau ko crush kar denge. Par Gordeau ne aisa kick maara, bhai... Tuli ka daant udd ke commentators ke paas gira! Maine mazaak nahi kiya, sachi! 26 second. Bas 26 second mein match khatam. Tuli ka face aisa lag raha tha jaise kisi ne watermelon pe baseball bat se vaar kiya ho. Usko sidha hospital le gaye.

Is fight ne sabko shock kar diya. Log soch rahe the ki 420-pound ka Sumo wrestler jeetega, lekin Savate ki speed aur precision ne baazi maar li. Yeh fight MMA history mein hamesha yaad ki jayegi, na sirf iski brutality ke liye, balki is liye bhi kyunki isne dikhaya ki size doesn't always matter.

Lekin yaar, yeh toh sirf starter tha. Main course toh baad mein aaya. Tournament ke end mein, sabse chhota fighter, Royce Gracie, champion bana.

Is event ne martial arts ki duniya mein bomb phod diya:

1. Sabko samajh aa gaya ki sirf ek style seekhna kaafi nahi hai. Agar survive karna hai toh sab kuch seekho - mukkebazi, kushti, sab!
2. Log samjhe ki size important hai, par skill zyada zaroori hai. Gracie ne wo kahawat sch saabit kr di - chhota packet, bada dhamaka!
3. Safety ka toh bhai... kya bolun. Itna khatarnak tha ki government ne hi bol diya, "Band karo yeh sab!" UFC ko rules badalne pade.
4. Media walon ne ise "human cockfighting" kaha. Par publicity toh free mein mil gayi!
5. Fighters ko laga ki ab gym mein zyada mehnat karni padegi. Mixed martial arts training shuru hui.
6. Aur haan, stars bhi paida hue. Royce Gracie, Ken Shamrock - yeh sab UFC 1 ki hi den hai.

Aaj jab tum TV pe ya phone pe UFC dekhte ho na, toh yaad karo ki yeh sab kaise shuru hua. Woh 26 second ka match, jisne pure khel ko badal diya.

Toh mere dost, agli baar jab tum apne doston se baat karo MMA ke baare mein, unhe yeh kahani zaroor sunana. Unhe batana ki kaise ek chota sa experiment aaj duniya ka sabse exciting sport ban gaya.

Agar tumhe aur aise masaledaar stories chahiye, toh comments mein halla macha dena. Aur haan, subscribe button ko itna pyaar se dabana ki woh khud bol uthe, "Bhai, bas kar, main pighal jaunga!" Chalo, ab main chalta hoon. Agli video mein milte hain, tab tak ke liye, apna khayal rakhna aur yaad rakhna - life mein bhi MMA ki tarah balance boht zaroori hai!

Alvida!